



詩所第一卷

樂府

郊祀歌辭

漢郊祀歌

武帝定郊祀之禮祠太乙於甘泉祭后土於汾陰乃立樂府采趙代秦楚之謳以李

延年為協律都尉舉司馬相如等數十人為詩賦畧論律呂以合八音之調作十九章歌以正月

上辛用事使童男女七十人歌之

練時日

練時日候有望熇管蕭延四方九重開靈之旂垂惠恩
鴻祐休靈之車結玄雲駕飛龍羽旄紛靈之下若風馬
左蒼龍右白虎靈之來神哉沛先以雨般古斑字齋齋靈
之至慶陰陰相放悲震澹心靈已坐五音飭虞至日承



靈億牲繭栗粢盛香尊桂酒賓八鄉靈安留吟青黃徧
觀此眺瑤堂衆嫔竝綽奇麗顏如茶兆逐靡被華文厠
霧縠曳阿錫珮珠玉俠古挾字嘉夜蒞蘭芳澹容與獻嘉
觴

帝臨

帝臨中壇四方承宇繩繩意變備得其所清和六合制
數以五海內安寧興文偃武后土富媪疑作媪昭明三光
穆穆優游嘉服上黃

青陽以下四首並鄒子樂造春歌青陽夏歌朱明奏雲翹之舞秋歌西顥冬歌玄冥奏育命之舞

青陽開動根荄以遂膏潤并愛跂行畢逮霆聲發榮壝
處頃聽枯槁復產迺成厥命衆庶熙熙施及天胎羣生
嘒嘒唯春之祺

朱明

朱明盛長粵與萬物桐生茂豫靡有所訕敷華就實既
阜既昌登成甫田百鬼迪嘗廣大建祀肅雍不忘神若
宥之傳世無疆

西顥

西顥沆碭秋氣肅殺含秀垂穎續舊不廢姦偽不萌祆
孽伏息隅辟越遠四貉咸服既良茲威惟慕純德附而

不驕正心翊翊

玄冥

玄冥陵陰蟄蟲蓋藏草木零落抵冬降霜易亂除邪革
正異俗兆民反本抱素懷樸條理信義望禮五嶽籍歛
之時掩收嘉穀

惟泰元

成帝建始元年丞相匡衡奏罷鸞路龍鱗更定涓選休成

惟泰元尊媪神蕃釐經緯天地作成四時精建日月星
辰度理陰陽五行周而復始雲風雷電降甘露雨百姓
蕃滋咸循厥緒繼統共勤順皇之德鸞路龍鱗罔不胙
飭嘉邊列陳庶幾宴享滅除凶災烈騰八荒鐘鼓竿笙

雲舞翔翔招搖靈旗九夷賓將

天地

匡衡奏罷鞞繡周張更定肅若舊典

天地並况惟予有慕爰熙紫壇思求厥路恭承禋祀緼
豫為紛黼繡周張承神至尊千童羅舞成八溢合好効
歡虞泰一九歌畢奏斐然殊鳴琴竽瑟會軒朱璆磬金
鼓靈其有喜百官濟濟各敬其事盛牲實俎進聞膏神
奄留臨須搖長麗前揆光耀明寒暑不忒况皇章展詩
應律琯玉鳴函宮吐角激徵清發梁揚羽申以商造茲
新音永久長聲氣遠條鳳鳥鵙神夕奄虞蓋孔享

日出入

日出入安窮時世不與人同故春非我春夏非我夏秋非我秋冬非我冬泊如四海之池徧觀是耶謂何吾知所樂獨樂六龍六龍之調使我心若訾黃其何不徠下

天馬

元鼎四年秋馬生渥洼水中作天馬之歌太初四年春貳師將軍李廣利斬大宛王首獲

汗血馬來作西極天馬之歌或云馬名蒲梢作蒲梢天馬之歌

太一况天馬下露赤汗沫流赭志倣儻精權奇籛浮雲

掩上馳體容與逝

古勵字

萬里今安匹龍為友

右天馬歌

一云太乙貢兮天馬下露赤汗兮沫流赭騁容與兮跼萬里今安匹兮龍為友

天馬徠從西極涉流沙九夷服天馬徠出泉水虎脊兩化若鬼天馬徠歷無阜經千里循東道天馬徠執徐時

將搖舉誰與期天馬徠開遠門竦予身逝昆侖天馬徠

龍之媒游閭闔觀玉臺

右西極天馬歌循一作巡

一云天馬來兮從西極經萬里兮歸有德承靈威兮降外國涉流沙兮四夷服

天門

天門開誅蕩蕩穆竝騁以臨饗光夜燭德信

一作音著靈

寢平而鴻長生豫太朱涂廣夷石為堂飾玉梢以舞歌

體招搖若永望星留俞塞隕光照紫幄珠熯黃幡比猳

回集貳雙飛常羊月穆穆以金波日華耀以宣明假清

風軋忽激長至重觴神裴回若留放殪

古覲字

冀親以肆

章函蒙祉福常若期寂漻上天知厥時泛泛滇滇從高

旂殷勤此路臚所求
佻正嘉吉弘以昌
休嘉砰隱溢四方
專精厲意逝九閼
紛云六幕浮大海

景星

一曰寶鼎歌元鼎五年得寶鼎汾陰作

景星顯見信星彪
列象載昭庭日親
以察參侔開闔爰
推本紀汾睢出鼎
皇祐元始五音六
律依韋饗昭雜變
竝會雅聲遠姚空
桑琴瑟結信成四
興遞代八風生殷
殷鍾石羽籥鳴河
龍供鯉醇犧牲百
末旨酒布蘭生泰
尊柘漿析朝醒微
感心攸通修名周
流常羊思所并穰
穰復正直往甯馮
蠡切和疏寫平上
天布施后土成穰
穰豐年四時榮

齊房

一曰芝房歌元封二年夏六月甘泉宮齊房產芝九莖連葉作

齊房產草九莖連
葉宮童効異披圖
案謀玄氣之精回
復此都蔓蔓日茂
芝成靈華

后皇

后皇嘉壇立玄黃
服物發冀州兆蒙
祉福沈沈四塞假
古遐狄合處經營
萬億咸遂厥宇

華燁燁

華燁燁固靈根神
之旂過天門車千
乘敦昆侖神之出
排玉房周流雜拔
蘭堂神之行旌容
容騎沓沓般從從
神之徠泛翊翊甘
露降慶雲集神之
愉臨壇宇九疑賓

夔龍舞神安坐鵝吉時共翊翊合所思神嘉虞申貳觴
福滂洋邁延長沛施祐汾之阿揚金光橫泰河莽若雲
增揚波徧臚驩騰天歌

五神

五神相包四鄰土地廣堪 戶雲扞嘉壇椒蘭芳壁玉精
垂華光益億年美始興交於神若有承廣宣延咸畢觴
靈輿位偃蹇驤卉汨臆析奚遺淫淥澤淫然歸

朝隴首

一曰白麟歌元符元年冬十月行幸雍獲
白麟作

朝隴首覽西垠雷電祭古燎獲白麟爰五止顯黃德圖
凶虐熏鬻亟闢流離抑不詳賓百僚山河饗掩回轅鬚

長馳騰雨師洒路陂流星隕感惟風籥歸雲撫懷心

象載瑜

一作 一曰赤鴈歌太始三年行幸東海獲赤鴈

象載瑜白集西食甘露飲榮泉赤鴈集六紛員殊翁雜
五采文神所見施祉福登蓬萊結無極

赤蛟

赤蛟綏黃華盖露夜零晝晻濫百君禮六龍位勺椒漿
靈已醉靈既享錫吉祥芒芒極降嘉觴靈殷殷爛揚光
延壽命永未央杳冥冥塞六合澤汪濊輯萬國靈裊裊
象輿轆粟古飄然逝旗透蛇禮樂成靈將歸托玄德長
無衰

晉郊祀歌

漢自東京大亂樂章亾缺不可復知及魏武帝平荊州獲漢雅樂郎河南杜夔能識

舊法以為軍謀祭酒使創定雅樂時又有散騎侍郎鄧靜尹商善訓雅樂歌師尹胡能歌宗廟郊祀之曲舞師馮肅服養曉知先代諸舞夔悉總領之遠詳經籍近採故事考會古樂始設軒懸鐘磬而黃初中柴玉左延年之徒復以新聲被寵改其聲韻及晉武帝受命之初百度草創泰始二年詔郊祀明堂禮樂權用魏儀遵周室肇稱殷禮之義但改樂章使傳玄為之辭凡十篇江左自建平王宏議廟以居神靈常如在不應有郊迎之事故太祝惟送神而不迎神傳玄有迎送神歌辭見不迎非舊典也

天地五郊夕牲歌

天命有晉穆穆明明我其夙夜祇事上靈常于時假迄用其一作成於薦玄牡進夕其牲崇德作樂神祇是聽

迎送神歌

宣文蒸哉日靖四方永言保之夙夜匪康光天之命上帝是皇嘉樂殷薦靈祚景祥神祇降假享福無疆

饗神歌

三章

天祚有晉其命維新受終于魏奄有兆

一作黎

民燕及皇

天懷柔百神不顯遺烈之德之純享其玄牡式用肇禋

神祇來格福祿是臻

其一

時邁其猶昊天天子之祐享有晉

兆民戴之畏天之威敬授民時不顯不承於猶繹思皇

極斯建庶績咸熙庶幾夙夜惟晉之祺

其二宣文惟后克

配彼天撫寧四海保有康年於乎緝熙肆用靖民爰立

典制爰修禮紀作民之極莫非一作資始克昌厥後永
言保之其二

天地郊明堂夕牲歌

皇矣有晉時邁其德受終于天光濟萬國萬國既光神
定厥祥虔于郊祀祇事上皇祇事上皇百福一作是臻
巍巍祖考克配彼天嘉牲匪歆德馨惟饗受天之祐一作

祚神化四方一作神和四暢

降神歌

於赫大晉膺一作天景祥二帝邁德宣茲重光我皇受
命奄有萬方郊祀配享禮樂孔章神祇嘉饗祖考是皇

克昌厥後保祚無疆

天郊饗神歌

整泰壇祀一作皇神精氣感百靈賓蘊朱火燎芳薪紫

煙遊一作冠青雲神之體靡象形曠無方幽以清神之

來光景照聽無聞視無兆神之至舉歆歆靈爽協動余

心神之坐同歡娛澤雲翔化風舒嘉樂奏文中聲八音

諧神是聽咸潔齊並芬芳烹牲享玉觴神悅饗歆禮

祀祐大晉降繁祉祚京邑行一作四海保天年一作窮

地紀

地郊饗神歌

整泰折埃皇祇衆神感羣靈儀陰祀設吉禮施夜將極
時未移祇之體無形象潛泰幽洞忽荒祇之出夢若有
靈無遠天下母祇之來遺光景昭若存終冥冥祇之至
舉欣欣舞象德歌成文祇之坐同歡豫澤雨施化雲布
樂八變聲教敷物咸享祇是娛齊既潔侍者肅玉觴進
咸穆穆饗嘉豢一作慶歆德馨祚有晉暨群生溢九壤格
天庭保萬壽延億齡

一云結方丘祇國琛樽既享俎既歆歛檢玉具塵琛
楹百福底自古錫萬壽迄在今

明堂饗神歌

經始明堂享祀匪懈於皇烈考光配上帝赫赫上帝既

高既崇聖考是配明德顯融率土敬職萬方來祭常于
時假保祚永世

宋南郊登歌

文帝元嘉二十二年詔顏延之造天地
郊夕牲迎送神饗神雅樂登歌三篇

夕牲歌

夤威寶命嚴恭帝祖表海炳岱一作炳岱系時百楚靈鑿

濬一作睿文民屬睿武奄受敷錫宅中拓宇巨地稱皇聲

天作主月竈來賓日際奉土開元首正禮交樂舉六典
聯事九官列序有牲在滌有潔在俎以薦王衷以答神

祐

迎送神歌

維聖饗帝維孝饗

一作養

親皇乎備矣有事上春禮行宗

祀敬達郊禮金枝中樹廣樂四陳陟配在京降德在民

奔精照夜高燎煬晨陰明浮爍沉滎深淪告成大報受

釐元神月御按節星驅扶輪遙興遠駕

一作舉

曜曜振振

饗神歌

營泰時定天衷思心睿謀筮從建表絕設郊宮田燭置
燿火通曆元旬律首吉飾紫壇坎列室中星兆六宗秩
乾宇晏地區謐大孝昭祭禮供牲日展盛自躬具陳器
備禮容形儻綴被歌鐘望帝闈聳神蹕靈之來辰光溢
潔粢酌娛太一明輝夜華晷日裸既始獻又終煙薌鬯

報清穹饗宋德祚王功休命永福履充

宋明堂歌

孝武孝建元年使謝莊造明堂諸樂歌九首

迎神歌

地紐謐乾樞回華盖動紫微開旌蔽日車若雲駕六龍

一作氣

一作

乘網緼曄帝京輝天邑聖祖降五靈集構瑤祀聳

珠簾漢拂幌月棲檐舞綴暢鍾石融駐飛景鬱行風懋

粢盛潔牲牲百禮肅羣司虔皇德遠大孝昌貫九幽洞

三光神之安解玉鑿景福至萬寓歡

登歌

雍臺辨朔澤宮練辰潔火夕照明水朝陳六瑚賁室八

羽華庭昭事先聖懷濡上靈肆夏戒敬升歌發德永固
鴻基以綏萬國

歌太祖文皇帝

維天爲大維聖祖是則辰居萬寓綏旒下國內靈八輔
外光四瀛蒿宮仰蓋日館希旌複殿留景重檐結風刮
楹接緯達嚮承虹設業設虞在王庭肇禋祀克配乎靈
我將我享維孟之春以孝以敬以立我烝民

歌青帝

參映夕駟照晨靈乘震司青春鴈將向桐始蕤柔風舞
暄光遲萌動達萬品新潤無際澤無垠

歌赤帝

龍精初見大火中朱光北至圭景同帝在在離寔司衡
水雨方降木槿榮庶物盛長咸殷阜恩覃四冥被九有

歌黃帝

履建

一作良

宅中寓司繩御

一作總

四方裁化遍寒燠布政

周炎涼景麗條可結霜明冰可折凱風扇朱辰白雲流
素節分至乘結一作經啓啟閉集恒度帝運緝萬有皇靈
澄國步

歌白帝

百川如鏡天地爽且明雲冲氣舉德盛在素精木葉初

下洞庭始揚波夜光徹地翻霜照懸河庶類收成歲功
行欲寧淡地奉物罄宇承秋一作靈帝一作渥

歌黑帝

歲月既晏方馳靈乘坎德司規玄雲合晦鳥一作路白

雲一作雪繁亘天涯雷在地時未光飭國典閉關梁四節

遍萬物殿福九域祚八鄉晨晷促夕漏延太陰極微陽

宣鵲將巢冰已解氣濡水風動泉

送神歌

蘊禮容餘樂度靈方留景欲暮開九重肅五達鳳參差

龍已沫雲既動河既梁萬里照四空香神之車歸清都

璇庭寂玉殿虛濬一作睿

化凝孝風熾顧靈心結皇思

齊南郊樂歌

武帝建元初使謝超宗撰南北郊明堂樂歌三十三章多刪顏延之謝莊辭以為新曲備改樂名

肅咸樂

刪定顏延之夕牲歌

寅承寶命嚴恭帝緒奄受敷錫升中拓宇亘地稱皇罄

天作主月域來賓日際奉土開元首正禮交樂舉六典

聯事九官列序

羣臣出入奏

引牲樂

刪定顏延之夕牲歌迎送神歌

皇乎敬矣恭事上靈昭教國祀肅肅明明有牲在滌有

潔在俎以薦王衷以答神祐陟配在京降德在民奔精

望夜高燎佇晨 牲出入奏

嘉薦樂 增損謝莊歌太祖辭

我恭我享惟孟之春以孝以敬立我烝民青壇奄靄翠
幕端凝嘉俎重薦兼籍再升設業設虞展容玉庭肇禋
配祀克對上靈 薦豆呈毛血奏

昭夏樂 增損顏延之迎送神歌

惟聖饗帝惟孝饗親禮行宗祀敬達郊禋金枝中樹廣
樂四陳月御按節星驅扶輪遙興遠駕曜曜振振告成
大報受釐元神 迎神奏

永至樂

紫壇望靈翠幕佇神率天奉贄罄地來賓神貺竝介泯
祇合祉恭昭鑒享肅光孝祀威藹四靈洞曜三光皇德
全被大禮流昌 帝入壇東門奏

登歌

報惟事天祭實尊靈史正嘉兆神宅崇禎五時昭鬯六
宗彝序介丘望塵皇軒肅舉 帝升壇奏

文德宣烈樂 刪定顏延之饗神歌

營泰時定天衷思心緒謀筮從田燭置燿火通大孝昭
國禮融 帝初獻奏

武德宣烈樂

功燭上宙德耀中天風移九域禮飾八埏四靈晨炳五
緯宵明膺曆締運道茂前聲次奏

高德宣烈樂

永明二年詔王儉製辭

饗帝嚴親則天光大鳥奕前古榮鏡無外日月宣華卿
雲流靄五漢同休六幽咸泰高帝配饗奏

嘉胙樂

鬯嘉禮承休錫盛德符景緯昌華應帝策聖藹耀昌基
融祉暉世曆聲正涵月軌書文同騰一作日迹寶瑞昭神
圖靈貺流瑞液我皇崇暉祚重芬冠往籍飲福酒奏

昭夏樂

薦享洽禮樂該神娛展辰旆回洞雲路拂璇階紫霧靄
青霄開睠皇都顧玉臺留昌德結聖懷送神奏

昭遠樂

天以德降地以禮報牲尊俯陳柴幣仰燎事展司采敬
達瑄薌煙贄青昊震颺紫場陳馨示策肅志宗禋禮非
物備福唯誠陳帝就燎位奏

休成樂

昭事上祀饗薦具陳回鑾轉翠拂景翔宸綴縣敷暢一作
錫鐘石昭融羽炫深晷籥瞠行風肆序輟度肅禮停文
四金聳衛六馭齊輪帝還便殿奏

齊北郊樂歌

昭夏樂

詔禮崇營敬饗玄時靈正丹帷月肅紫墀展薦登華風
縣凝鏘神惟戾止鬱葆遙莊昭望歲芬環游辰太穆哉
尚禮橫光秉藹迎神奏

登歌

佇靈敬享禋肅彝文縣動聲儀薦絜牲芬陰祇以貺昭
祀式慶九服熙度六農祥正帝升壇奏

地德凱容樂

繕方丘端國陰掩珪畧仰靈心詔源委遍丘林禮獻物

樂薦音帝初獻奏

昭德凱容樂

慶圖濬邈蘊祥祕瑤倪天炳月嬪光紫霄邦化靈懋闔
則風調儷德方儀徽載以昭次奏

昭夏樂

薦神升享序楹淹玉俎停金奏寶旆轉旒駕旋溢素景
鬱紫躔靈心顧留宸睠洽外瀛瑞中縣送神奏

隸幽樂

后皇嘉慶定祇玄時承帝休圖祇敷靈祉篚冪周序軒
朱凝會牲幣芬壇精明佇蓋調川瑞昌警岳祥泰瘞埋奏

齊明堂樂歌

肅咸樂

二首並宋殷淡章廟肅咸樂辭未刪四句

彝承孝典恭事嚴聖浹天奉賚罄壤齊慶司儀具序羽
容夙章芬枝揚烈黼構周張助寶奠軒耐珍充庭璆縣
凝會瑁朱竚聲先期選禮肅若有承祇對靈祉皇慶昭
膺其尊事威儀輝容昭序迅恭明神絜盛牲俎肅肅嚴
宮藹藹崇基皇靈降止百祇具司戒誠望夜端烈承朝
依微昭旦物色輕宵其二賓出入奏

引牲樂

殷淡章廟引神樂辭

惟誠絜饗惟孝尊靈敬芳黍稷敬滌犧牲駢在參載

溢載豐以承宗祀以肅皇衷蕭芳四舉華火周傳神饗
孔昭嘉足三牲牲出入奏

嘉薦樂

二首並殷淡章廟嘉薦樂辭

肇禋戒祀禮容咸舉六典飾文九司炤序牲柔既昭犧
剛既陳恭滌惟清敬事惟神加邊再御兼俎重薦節動
軒越聲流金縣其奕奕闕幄疊疊嚴闈絜誠夕鑿端服
晨暉聖靈戾止翊我皇則上綏四寓下洋萬國永言孝
饗孝饗有容儉僚贊列肅肅雍雍其二薦豆呈毛血奏

昭夏樂

刪定謝莊迎神歌

地紐謐乾樞回華蓋動紫微開旌蔽日車若雲駕六龍

一作乘烟煜燁帝景耀天邑聖祖降五雲集懋染盛絜

牲牲百禮肅羣司虔皇德遠大孝昌貫九幽洞三光神

之安解玉鑾景一作昌福至萬寓歡迎神奏

登歌 謝莊辭

雍臺辨朔澤宮選辰絜火夕炤明水朝陳六瑚賁室八

羽華庭昭事先聖懷濡上靈肆夏式敬升歌發德永固

洪基以綏萬國帝升明堂奏

凱容宣烈樂 殷淡章廟休成樂辭

醴醴具登嘉俎咸薦饗洽誠陳禮周樂徧祝辭罷裸序

容輟縣蹕動端庭鑾回嚴殿神儀駐景華漢亭虛八靈

案衛三祇解塗翠盖澄耀畢帝疑宸一作晨玉鑣息節金

輅懷音式誠達孝底心肅感追憑皇鑒思承淵範神錫

懋祉四緯昭明仰福帝徽俯齊庶生初獻奏

青帝歌 以下五首並刪定謝莊辭

參映夕駟昭晨靈乘震司青春鴈將向桐始蕤和風舞

暄光遲萌動達萬品親潤無際澤無垠

赤帝歌

龍精初見大火中朱光北至圭景同帝在在離寔司衡

雨水方降木槿榮庶物盛長咸殷阜恩澤四冥被九有

黃帝歌

履良宅中宇司繩總四方裁化徧寒燠布政周炎涼至
分乘經畧閉啓集恒度帝暉緝萬有皇靈澄國步

白帝歌

百川若鏡天地爽且明雲冲氣舉盛德在素精庶類收
成歲功行欲寧浹地奉渥罄宇承帝靈

黑帝歌

歲既暮日方馳靈乘坎德司規玄雲合晦鳥蹊白雪繁
亘天涯晨晷促夕漏延太陰極微陽宣

嘉胙樂

殷淡章廟嘉胙樂辭

禮薦洽福胙昌聖皇膺嘉祐帝業凝休祥居極乘景運

宅德瑞中王澄明臨四奧精華延八鄉洞海同聲懋澈
宇麗乾光靈慶躔世祉鴻烈永疆
還東壁受福酒奏

昭夏樂

增定謝莊送神歌

蘊禮容餘樂度靈方留景欲暮開九重肅五達鳳參差
龍已沫雲既動河既梁萬里照四空香神之車歸青都
璇庭寂玉殿虛鴻化凝孝風熾顧靈心結皇思鴻慶遐
鬯嘉薦令芳翊帝明德永祚深光
送神奏

牲出入歌

江淹下同

祝詳史具禮備樂薦有牲在陳有鼓在懸騰燭象星奔
水類電郊燎夙戒駢彼乘駟以伺質明以佇
一作神晏

薦豆呈毛血歌辭

時恭時祀有物有則伊我上聖實抱明德犧象交陳鬱
尊四塞黍惟嘉穀酒惟玄默薦通蒼祇慶覃黎黑願靈
之降祚家祐國

奏宣烈之樂歌辭

殷崇配天周尊明祀瑞合汾陰慶同泰時青幕雲舒丹
殿霞起二曜惟新五精告始于以享之景福是履

齊雩祭歌

明帝建武二年雩祭明堂詔謝朓造辭

迎神 八章

清明暢禮樂新候龍景練 一作選 貞晨 一作解 陽律亢陰晷伏

秣下土荐種稔 解二 宸儀警王度乾嗟雲漢望昊天 解三 張

盛樂奏雲儻集五精延帝祖 解四 雩有諷榮有秩管鬯芬

圭瓚瑟 解五 靈之來帝闔開車煜燿吹徘徊 解六 停龍轡徧

觀此凍雨飛祥雲 解七 靡壇可臨奠可歆對眈社鑿

皇心 八解

世祖武皇帝 三章

濬哲維祖長發其武帝出自震重光御寓七德攸宣九

疇咸敘靜難荆衡 解一 凝威蠡浦 解二 昧旦丕承夕惕刑

政化一車書德馨染盛昭星夜景非雲曉慶衢室成陰

璧水如鏡 解二 禮充玉帛樂被匏 解三 絃於鑠在詠陟配

於天自宮徂兆靡愛牲牲我將我享永祚豐年 三解

青帝 三章

營翼日鳥殷宵凝冰泮玄蟄昭 一解 景陽陽風習習女夷

歌東皇集 二解 奠春酒秉青珪命田祖渥羣黎 三解

赤帝 三章

惟此夏德德恢台兩 一作雨 龍在 一作既 御炎精來 一作火景

方中南譎秩靡草云黃含桃實 二解 族雲翥鬱温風扇興

雨祁祁黍苗遍 三解

黃帝 三章

稟火自高明毓金挺剛克涼燠資成化羣芳載厚德 一解

陽季勾萌達炎徂溽暑融商暮百工止歲極凌陰冲 二解

泉流疏已清原隰甸已平咸言祚惟億敦民保齊京 三解

白帝 三章

帝說于兌執矩固司藏百川收潦精景應金方 一作徂

嘉樹離披榆關命賓鳥夜月如霜金 一作秋 風方嫋嫋 二解

商陰肅殺萬寶咸已適勞哉望歲場功冀可收 三解

黑帝 三章

白日短玄夜深招搖轉移太陰霜鐘鳴冥陵起星迴天

月窮紀 一解 聽嚴風來不息望玄雲黝無色曾冰烈積羽

幽飛雪至天山側 二解 關梁閉方不巡合國吹饗蜡賓統

微陽究終始百禮洽萬祚臻 三解

送神 五章

敬如在禮將周神之駕不少留 一解 躍 一作 龍鑣轉金盖

紛上馳雲之外 二解 警七曜詔八神排闥闔渡天津 三解 有

滄興膚寸積雨冥冥又終夕 四解 俾棲糧維萬箱皇情暢

景命昌 五解

齊籍田樂歌 武帝永明四年籍田詔江淹造歌二章

祀先農迎送神升歌

羽鑿從動金駕時遊教騰義鏡樂綴禮修率先丹耦躬

遵綠疇靈之聖之歲殷澤柔 禮一作前

饗神歌

瓊竿既飾繡簋以陳方爨嘉種永毓宵民

梁雅樂歌

武帝定南北郊明堂及太廟三朝樂歌並以雅稱取詩序云言天下之事形四方之風謂之雅也使沈約製辭凡十一曲

皇雅 三曲皇者取詩皇矣上帝臨下有赫也

帝德實廣運車書靡不賓執瑁朝羣后垂旒御百神八

荒重譯至萬國婉來親 其 華盖拂紫微勾陳繞太一容

裔被緹組參差羅罕畢星回昭以爛天行徐且謐 其 清

蹕朝萬寓端冕臨正陽青絢黃金纒袞衣文繡裳既散

華蟲采復流日月光 其二帝出入奏

滌雅

一曲滌者取禮記帝牛必在滌三月也

將修盛禮其儀孔熾有膺斯牲國門是置不黎不瘳靡
愆靡忌呈肌獻體永言昭事俯休皇德仰綏靈志百福
具膺嘉祥允洎駿奔伊在慶覃遐嗣

牲出入奏

牲雅

一曲牲者取春秋左氏傳牲牲肥膾也

反本與敬復古昭誠禮容宿設祀事孔明華俎待獻崇
碑麗牲克哉繭握肅矣簪纓其綰既啓我豆既盈庖丁
游刃葛盧驗聲多祉攸集景福來并

薦毛血奏

誠雅

三曲誠者取尚書至誠感神也

懷忽慌瞻浩蕩盡誠

一作誠

潔致虔想出杳冥降無象皇

情肅具僚仰人禮盛神途敞俊明靈申敬享感蒼極洞

玄象

一作壤降神奏

地德溥崑丘峻揚羽翟鼓應輦出尊祗展誠信招海瀆

羅嶽鎮惟福祉咸昭晉

迎神奏

我有明德馨非稷黍牲玉孔備嘉薦惟旅金懸宿設和

樂具舉禮達幽明敬行尊俎鐘鼓云送遐福是與

送神奏

獻雅

一曲獻者取禮記祭統尸飲五洗玉爵獻卿也

神宮肅肅天儀穆穆禮獻既同膺茲

一作此

釐福我有馨

明無愧史祝

帝飲福酒奏

禋雅

二曲禋者取周禮大宗伯以禋祀祀昊天上帝也

紫宮昭煥太乙微玄降臨下土尊高上天載陳圭幣式
備牲牲雲籙清引枸虞高懸俯昭象物仰致高煙肅彼
靈祉咸達皇虔就燎位奏

盛樂斯舉協徵調宮靈饗慶洽祉積化融八變有序三
獻已終坎牲瘞玉酌德報功振垂成呂投壤生風道無
虛致事由感通於皇盛烈比祚華嵩就埋位奏

梁南北郊歌

四曲並沈約造

南郊登歌

二首

曦既明禮告成惟聖祖主上靈爵已獻壘又盈息羽籥
展歌聲儗如在結皇情其禮容盛尊俎列玄酒陳陶匏

設獻清旨致虔潔王既升樂已闕降蒼昊垂芳烈

其二

北郊登歌

二首

方壇既埴地祇已出盛典弗訾羣望咸秩乃升乃獻敬
成禮卒靈降無兆神饗載謐允矣嘉祚其升如日其至
哉坤元實惟厚載躬茲奠饗誠交顯晦或升或降掇珠
動珮德表成物慶流皇代純嘏不訾祺福是賚其二

梁明堂登歌

武帝天監初詔沈約制辭凡五曲

青帝

帝居在震龍德司春開元布澤含和尚仁羣居既散歲
云陽止飭農分地民粒惟始雕梁繡栱丹楹玉墀靈威

交亦歌辭 卷一
以降百福來綏

赤帝

炎光在離火爲威德執禮昭訓特衡受則靡草旣凋温
風以至嘉薦惟旅時羞孔備齊醴在堂笙鏞在下匪惟
七百無絕終始

黃帝

鬱彼中壇含靈闡化迴環氣象輪無輟駕布德焉在四
序將收音宮數五飯稷驂駟宅屏居中旁臨外宇升爲
帝尊降爲神主

白帝

神在秋方帝居西皞允茲金德裁成萬寶鴻來雀化參
見火斜幕無玄鳥菊有黃華載列笙磬式陳彝俎靈罔
常懷惟德是與

黑帝

德盛乎水玄冥紀節陰降陽騰氣凝象閔司智蒞坎駕
鐵衣玄祈寒坼地晷度迴天悠悠四海駿奔奉職祚我
無疆永隆民極

北齊大禘園丘及北郊歌

武成時始定郊廟樂詔陸
卬等製辭凡十三首

肆夏樂

肇應靈序奄宇黎民乃朝萬國爰徵百神祇展方望幽

顯咸臻禮崇聲協贊列珪陳翼差鱗次端拱一作垂紳
來趨動色式贊天人夕牲羣臣入門奏

高明樂

惟神鑒矣北郊云惟祇監矣皇靈肅止圓壁展事北郊云方琮展事成

文卽始北郊云卽陰成理士備八能樂合六變北郊云樂合八變風湊

伊雅光華襲薦宸衛騰景靈駕霏烟嚴壇生白綺席凝

玄迎神奏

昭夏樂 二首

剛柔設位惟皇配之言肅其禮念暢在茲飭牲舉獸載
歌且舞既設伊脂致精靈府物色惟典齋沐加恭宗族

咸暨罔不率從牲出入奏

展禮上月肅事應時繭栗爲用交暢有期弓矢斯發甕

簋將事圓神致祀北郊云方祇致祀率由先志和以鑿刀臭以

血膋至哉敬矣厥義孔高薦毛血奏

皇夏樂 二首

帝敬昭宣皇誠肅致玉帛齊軌屏攝咸次三垓上列北郊

云重垓上列四陞旁升北郊云分龍陳萬騎鳳動千乘神儀

天藹晬容離曜金根停軫奉光先導進熟帝入門奏

紫壇雲曖北郊云層壇雲曖紺幄霞褰北郊云嚴幄霞褰我其陟止載

致其虔百靈竦聽萬國咸仰人神咫尺玄應盼嚮帝升丘奏

高明樂 二首

上下眷旁午從爵以質獻以恭咸斯暢樂唯雍孝敬闡

臨萬邦 初獻奏

自天子之會昌神道丘陵肅事 北郊云方澤祇事 克光天保九

關洞開百靈環列八尊呈備五聲投節 奠爵訖奏

武德樂

配神登聖主極尊靈敬宣昭燭咸達宵冥禮弘化定樂

贊功成穰穰介福下被羣生 獻太祖配饗神座奏

皇夏樂

皇心緬且感吉蠲奉至誠赫哉光盛德乾坤照百靈報

福歸昌運承祐播休明風雲馳九域龍蛟躍四溟浮幕

呈光氣儷象燭華精濩武方知恥韶夏僅同聲 飲福酒奏

高明樂

獻享畢懸佾周神之駕將上遊 北郊云將下遊 超斗極絕河流

北郊云超荒極憩昆丘 懷萬國寧九州欣帝道心願留帀上下荷

皇休 送神降丘南陛奏

昭夏樂

玄黃覆載元首照臨合德致禮有契其心敬申事闋絜

誠共報玉帛載升 北郊云牲玉載陳 棫樸斯燎寥廓幽曖播以

馨香皇靈惟鑒降福無疆 紫壇既燎奏

皇夏樂

天大親嚴匪敬伊孝永言肆饗宸明增耀陽丘既暢

北郊

二云陰澤
二云暢

大典逾光乃安斯息欽若舊章天迴地旋鳴鑾

引警且萬且億皇曆惟永

帝還便殿奏

北齊五郊樂歌

五首陸印等造

青帝高明樂

歲云獻谷風歸斗東指鴈北飛電鞭激雷車遽虹旌靡
青龍馭和氣洽具物滋翻降止應帝期

赤帝高明樂

婺女司日仲呂宣朱精御節離景延根芟俊茂温風發

柘火風水應炎月執衡長物德孔昭赤旂電

一作霞曳會

今朝

黃帝高明樂

居中币五運乘衡畢四時含養滋

一作資

羣物協德固皇

基擘緩契王風持載符君德良辰動靈駕承祀昌邦國

白帝高明樂

風涼露降馳景颺寒精山川搖落平秩在西成盖藏成

積烝民被嘉祉從享來儀鴻休溢千祀

黑帝高明樂

虹藏雉化告寒冰壯地坼年殫日次月紀方極九州萬

交和歌辭 卷一
邦獻力叶光是紀歲窮微陽潛兆方融天子赫赫明聖
享神降福惟敬

北齊祀五帝明堂樂歌

十一首陸卬等造其高明樂
奏覆燾之舞武德樂奏昭烈

之舞

肆夏樂

國陽崇祀嚴恭有聞荒華胥暨樂我大君冕瑞有列禽
帛載敘羣后師師威儀容與執禮辨物司樂考章率由
靡墜休有烈光

夕牲羣臣入門奏

高明樂

祖德光國圖昌祇上帝禮四方闢紫宮動華闕龍虎奮

風雲發飛朱雀從玄武携日月帶雷雨耀宇內溢區中
眷帝道感皇風帝道康皇風扇染盛列椒醕薦神且寧
會五精歸福祿幸閭亭

太祝令迎神奏

武德樂

我惟我祖自天之命道被歸仁時屯啓聖運鍾千祀授
手萬姓夷殛掩虐匡積翼正載經載營庶士咸寧九功
以洽七德兼盈丹書入告玄玉來呈露甘泉白雲郁河
清聲教咸往舟車畢會仁加有形化浹無外嚴親惟重
陟配惟大既祐斯歌率土攸賴

太祖配饗奏

昭夏樂

二首

孝享不匱精潔臨年滌牢委溢形色博牲于以用之言
承歆祀肅肅威儀敢不敬止載飭載省惟牛惟羊明神
有察保茲萬方

牲出入奏

我將宗祀夤獻厥誠鞠躬如在側聽無聲薦色斯純呈
氣斯臭有滌有濯惟神其祐五方來格一人多祉明德
惟馨於穆不已

薦毛血奏

皇夏樂

象乾上構儀坤下基集靈崇祖永言孝思室陳簋豆庭
羅懸佾夙夜畏威保茲貞吉舞貴其夜歌重其升降斯
百祿惟饗惟應

帝入門及升壇奏

高明樂 二首

度几筵闢牖戶禮上帝感皇祖酌惟潔滌以清薦心欵

達神明

初獻奏

帝精來降應我明德禮殫義展流祉邦國既受多祉實
資孝敬祀謁其誠荷天休命

裸獻奏

皇夏樂

恭祀洽盛禮宣英猷爛層景廣澤同深泉上靈鍾百福
羣神歸萬年月軌咸梯岫日域盡浮川瑞鳥飛玄扈潛
鱗躍翠漣皇家膺寶曆兩地復參天

飲福酒奏

高明樂

青陽奏發朱明歌西皓唱玄冥大禮罄廣樂成神心懌
將遠征飾龍駕矯鳳旒指闔闔憩層城出温谷邁炎庭
跨西汜過北溟忽萬億耀光精比電驚與雷行嗟皇道
懷萬靈固王業震天聲 太祝送神奏

皇夏樂

文物備矣聲明有章登薦惟肅禮邈前王邕齊云終折
旋告罄穆穆旒冕蘊誠畢敬屯衛按部鑾蹕迴途暫留
紫殿將及清都 帝還便殿奏

周祀圓丘歌

文帝迎魏武人關樂聲皆闕恭帝元年
平荆州大獲梁氏樂器以屬有司及段
帝受禪居位日淺明帝雖革魏氏之樂而未臻雅
正天和元年武帝初造山雲舞以備六代建德二

年十月樂成奏於崇信殿於是正定雅樂以禮圓
丘方澤五帝其辭並庚信所造凡二十八章

昭夏

重陽禋祀大報天丙午封壇肅且圜孤竹之管雲和弦
神光未下風肅然王城七里通天臺紫微斜照影徘徊
連珠合璧重光來天策斲轉勾陳開 降神奏

皇夏

旌迴外壘蹕靜郊門千乘按轡萬騎雲屯藉茅無咎掃
地唯尊揖讓展禮衡璜節步星漢就列風雲相顧取法
于天降其永祚 帝入門奏

昭夏 二首

日至大禮豐犧上辰牲牢脩牧繭栗毛純俎豆斯立陶
匏以陳大報反命居陽兆日六變鼓鐘三和琴瑟俎奇
豆偶惟誠惟質俎入奏

員玉已奠蒼幣斯陳瑞形成象璧氣含春禮從天數智
總圓神為祈為祀至敬咸遵奠玉帛奏

皇夏

七里一作星是仰八陛有憑就陽之位如日之升思虔肅

肅致一作施敬繩繩祝史陳信玄象斯格惟類之典唯靈

之澤幽顯對揚人神咫尺帝升壇奏

雲門舞二首

獻以誠鬱以清山罍舉沈齊傾惟尚饗洽皇情降景福

通神明初獻奏

長丘遠歷大電遙源弓藏高隴鼎沒寒門人生于祖物

本于天奠一作尊神配德迄用康年初獻配帝奏

登歌

歲之祥國之陽蒼靈敬翠雲長象為飾龍為章乘長日
坏蟄戶烈雲漢迎風雨六呂歌雲門舞省滌濯奠牲牲
鬱金酒鳳凰樽迴天睠顧中原初獻及獻配帝畢奏

皇夏

國命在禮君命在天陳誠唯肅飲福唯虔洽斯百禮福

交亦哥爵
以千年鈞陳掩映天駟徘徊彫禾飾竿翠羽承疊受斯
茂祉從天之來飲福酒奏

雍夏

禮將畢樂將闌迴日轡動天關翠鳳搖和鸞響五雲飛
三步上風爲馭雷爲車無轍迹有煙霞暢皇情休靈命
雨留甘雲餘慶撤奠奏

皇夏

二首

六典聯事九司咸則率由舊章于焉允塞掌禮移次燔
柴在焉煙升玉帛氣歛牲牲休氣馨香管芳昭晰翼翼
虔心明明上徹就望燎位奏

玉帛禮畢神人事分嚴承乃瞻瞻仰迴雲輦路千門王
城九軌式道移候司方迴指得一惟清於萬斯寧受茲
景命于天告成還便殿奏

周祀方澤歌

昭夏

二首

報功陰澤展禮玄郊平琮鎮瑞方鼎升庖調歌孫竹縮
酒江茅聲舒鐘鼓器質陶匏列燿秀華凝芳都荔川澤
茂祉丘陵容衛雲飾山壘蘭浮沈齊日至之禮歆茲大
祭降神奏

曰若厚載欽明方澤敢以敬恭陳之玉帛德包含養功

藏靈迹斯箱既千子孫則百

奠玉帛奏

登歌

質明孝敬求陰順陽壇有四陛琮分

為一作

八方牲牲蕩

滌蕭合馨香和鑾戾止振鷺來翔威儀簡簡鐘鼓喤喤

聲和孤竹韻入空桑封中雲氣坎上神光下元之主功

深蓋藏

初獻奏

皇夏

司筵撤席掌禮移次迴顧封壇恭臨坎位瘞玉埋俎藏

芬歛氣是日就幽成斯地意

望坎位奏

周祀五帝歌

皇夏

二首

嘉玉惟芳嘉幣惟量成形依禮稟色隨方神班其

一作有

次歲禮惟常威儀抑抑率由舊章

奠玉帛奏

惟令之月惟嘉之辰司壇宿設掌史誠陳敢用明禮言

功上神鈎陳旦闢闔闔朝分旒垂象冕樂奏山雲將迴

霆策蹙轉天文五運周環四時代序鱗次玉帛循迴樽

俎神其降之介福斯許

初獻奏

青帝雲門舞

甲在日鳥中星禮東后奠蒼靈樹春旗命青史候鴈還

東風起歌木德舞震宮泗濱石龍門桐孟之月陽之天

億斯慶兆斯年

以下並初獻奏

配帝舞

帝出于震蒼德于神其明在日其位居春勞以定國功以施人言從配祀近取諸身

赤帝雲門舞

招搖指午對南宮日月相會實沈中離光布政動溫風純陽之月樂炎精赤雀丹書飛送迎朱絃絳鼓罄虔誠萬物含養各長生

配帝舞

以炎爲政以火爲官位司南陸享配離壇三和實俎百

味浮蘭神其茂豫天步艱難

黃帝雲門舞

三光儀表正四氣風雲同戊巳行初曆黃鐘始變宮平琮禮內鎮陰管奏司中齋壇芝曄曄清野桂馮馮夕牢芬六鼎安歌韻八風神光乃超忽嘉氣恒葱葱

配帝舞

四時咸一德五氣或同論猶吹鳳凰管尚對梧桐園器園居士厚位總配神尊始知今奏樂還用我雲門

白帝雲門舞

肅靈兌景承配秋壇雲高火落露白蟬寒帝律登年金

精行令瑞獸霜耀

一作輝

祥禽雪映司藏肅殺萬寶咸宜

厥田上上收功在斯

配帝舞

金行秋令白帝朱宣司正五雉歌庸九川執文之德對

越彼天介以福祉君子萬年

黑帝雲門舞

北辰為政玄壇北陸之祀員官宿設玄璜

一作圭

浴蘭坎

德陰風御寒次律將迴窮紀微陽欲動細泉管猶調於

陰竹聲未入於春弦待歸餘於送歷方履慶於斯年

配帝舞

地始坼虹始藏服玄玉居玄堂沐蕙氣浴蘭湯匏器潔

水泉香陟配彼福無疆君欣欣此樂康

隋園丘歌

文帝開皇九年詔牛弘姚察許善心虞世基劉臻等詳定雅樂并撰歌辭二十九首

昭夏

肅祭典協良辰具嘉薦俟皇臻禮方成樂已變感靈心

迴天睠闕華闕下乾宮乘精氣御祥風望燿火通田燭

膺介圭受瑄玉神之臨慶陰陰烟衢動宸路深善既福

德斯輔流鴻祚徧區宇

降神奏

皇夏

於穆我后昭明有融道濟區域功格玄穹百神警衛萬

國承風仁深德厚信洽義豐明發思政勤憂在躬鴻基
惟永福祚長隆 帝升壇奏

登歌

德深禮大道高饗穆就陽斯恭陟配惟肅血骨升氣冕
裘標服誠感清玄信陳史祝祇承靈貺載膺多福

誠夏

肇禋崇祀式奉 一作尊靈因高盡 一作敬掃地推誠六

宗隨兆五緯陪營雲和發韻孤竹揚聲 一作我染既潔

我酌惟明元神是鑒百祿來成 初獻奏

文舞

皇矣上帝受命自天睿圖作極文教遐宣四方監觀萬

國陶甄有苗斯格無得稱焉天地之經和樂具舉休徵

咸萃要荒式序正位履端秋霜春雨 既獻奏

需夏

禮以恭事薦以饗時載清玄酒備潔薌萁迴旋分爵思

媚軒墀惠均撤俎祥降受釐十倫以具百福斯滋克昌

厥德永祚鴻基 飲福酒奏

武舞

御曆膺期乘乾表則成功戡亂順時經國兵暢五材武

弘七德憬彼遐裔化行充塞三道備舉二儀交泰情發

交亦歌商 卷一 三十一
自中義均莫大祀敬恭肅鍾鼓繁會萬國斯歡兆民斯
賴享茲介福康哉元首惠我無疆天長地久

昭夏

享序洽祀禮施神之駕儼將馳奔精驅長離耀牲煙達
絜誠照騰日馭鼓雷鞭辭下土升上玄瞻寥廓杳無際
愴羣心留餘惠 送神奏

隋五郊歌

青帝歌角音

震宮初動木德惟仁龍精戒旦鳥曆司春陽光煦物温
風先導巖處載驚膏田已冒犧牲豐絜金石和聲懷柔

備禮明德惟馨

赤帝歌徵音

長羸開序炎上爲德執禮司萌持衡御國重離得位芒
種在時含櫻薦實木槿垂蕤慶賞旣行高明可處順時
立祭事昭福舉

黃帝歌宮音

爰稼作土順位稱坤孕金成德履艮爲尊黃本內色宮
實聲始萬物資生四時成紀靈壇汎掃盛樂高張威儀
孔備福履無疆

白帝歌商音

西成肇節盛德在秋三農稍已九穀行收金氣肅殺商
威颺戾嚴風鼓莖繁霜隕蒂厲兵詰暴敕法慎刑明神
降嘏國步惟寧

黑帝歌羽音

玄英啓候冥陵初起虹藏於天雉化於水嚴關重閉星
迴日窮黃鐘動律廣莫生風玄樽示本天產惟質恩覃
外區福流京室

隋感帝歌

誠夏

禘祖垂典郊天有章以孟之春一作春於國之陽繭粟

惟誠陶匏斯尚人神接禮明幽交暢火靈降祚火曆載
隆丞哉帝道赫矣皇風

隋雩祭歌

誠夏

朱明啓候時載陽肅若舊典延五方嘉薦以陳盛樂奏
氣序和平資靈祐公田旣雨私亦濡民殷俗富政化敷
隋蜡祭歌

誠夏

四方有祀八蜡酬功收藏旣畢榛葛送終使之必報祭
之斯索三時告勞一日爲澤神祇必來鱗羽咸致惟義

交亦哥爾 卷一 三十一
之盡惟仁之至年成物阜罷役息民皇恩已洽靈慶無
垠

隋朝日夕月歌

誠夏 二首

扶木上朝暎崑山沉暮景寒來遊畧促暑至馳輝永時
和合璧耀俗泰重輪明執圭盡昭事服冕罄虔誠 右朝日
澄輝燭地域流耀鏡天儀曆草隨弦長珠胎逐望虧成
形表蟾兔竊藥資王母西郊禮既成幽壇福惟厚 右夕月

隋方丘歌

昭夏

柔功暢陰德昭陳瘞典盛玄郊篚纂清管鬯馥皇情虔
具寮肅笙頌合鼓鼗會出桂旌 一作旗 屯孔蓋敬如在肅
有承神胥樂慶福膺 迎神奏

登歌

道惟生育器乃包藏報功稱範殷薦有常六瑚已饋五
齊流香貴誠尚質敬洽義童神祚惟永帝業增昌 奠玉帛奏

誠夏

厚載垂德崑丘主神陰壇吉禮北至良辰鹽水呈絜牲
栗表純樽壺夕啓 一作視 幣玉朝陳羣望咸秩精靈畢臻
祚流于國祉被于人 初獻奏

昭夏

奠既徹獻已周竦靈駕逝遠遊洞四極帀九縣慶方流
祉恒遍埋玉氣掩牲芬晰神理顯國文

送神奏

隋神州歌

誠夏

四海之內一和之壤地曰神州物賴生長咸池既降泰
折斯饗牲牲尚黑珪玉寔兩九寓載寧神功克廣

隋社稷歌

誠夏

四首

厚地開靈方壇崇祀達以風露樹之松梓勾萌既申芟

柞伊始恭祈粢盛載膺休祉

右春祈社

粒食興教播厥有先尊神致絜報本惟虔瞻榆束耒望

杏開田方憑馘福佇詠豐年

右春祈稷

北墉申禮單出表誠豐犧入薦華樂在庭原隰既平泉

流又清如雲已望高廩斯盈

右秋報社

民天務急農亦勤止或蓑或蓆惟藺惟芑涼風戒時歲

云秋矣物成則報功施必祀

右秋報稷

隋先農歌

誠夏

農祥晨晰土膏初起春原俶載青壇致祀歛蹕長阡迴

旌外墳房俎飾薦山壘沈滓親事朱絃躬持黛耜恭神
務穡受禧降祉

隋先聖先師歌

誠夏

經國立訓學重教先三墳肇冊五典留篇開鑿理著陶
鑄功宣東膠西序春誦夏弦芳塵載仰祀典無騫

詩所第一卷 終



811.12
2342